

Korbankan masa remaja demi menjadi atlet rugby negara

Oleh: Nur Syamila Kamarul Arefin



SERDANG, 30 November- Tempoh empat tahun tentunya satu tempoh yang singkat bagi atlet ragbi negara Muhamad Hafizie Sudin, 24, sebelum berjaya menggenggam Bacelor Pendidikan dalam Pendidikan Jasmani dengan Kepujian, Fakulti Pengajian Pendidikan (FPP), Universiti Putra Malaysia (UPM).

Hafizie berkata beliau mengorbankan masa remajanya dari usia 15 tahun untuk menjadi atlet ragbi negara dan cikgu sukan.

"Sejak usia 15 tahun lagi saya telah keluar dari kampung halaman di Kelantan demi mengejar impian menjadi seorang atlet ragbi negara di Sekolah Sukan Tunku Mahkota Ismail, Johor.

"Namun, pada 2020, Covid-19 melanda negara dan menyebabkan saya tersekat di Majlis Sukan Negara (MSN) selama setahun setengah berlatih setiap hari dan belajar dalam talian. Hati berasa sangat sedih ketika itu kerana tidak dapat bertemu dengan keluarga di Kelantan," katanya.

Namun itulah penguat semangat dirinya untuk terus gigih berlatih dan mencapai impiannya menjadi seorang pendidik dan membanggakan keluarga di kampung halaman.

Katanya, ibu dan ayah bukanlah orang senang, oleh itu beliau perlu gigih berusaha mengubah masa depannya untuk menjadi seorang atlet ragbi negara dan seorang guru yang dapat melahirkan bakat baharu dalam sukan serta akademik.



Anak kedua daripada empat beradik ini merupakan Penerima Hadiah Universiti Pingat Emas Razlan Putra dan Atlet Sukan Ragbi pada Majlis Konvokesyen UPM ke-48 hari ini.

Beliau mewakili negara pada sukan Komanwel 2022 dan telah mendapat tempat ketiga Asia Seven Series (bronze).

“Saya bersyukur kerana saya berupaya melengkapkan pengajian. Bukan semua atlet dapat menamatkan pengajian mereka tepat waktu.

“Sebagai pelajar, saya juga perlu menghadiri kuliah, menduduki ujian dan peperiksaan. Cuma yang membezakan saya dengan pelajar lain adalah komitmen masa saya untuk latihan di dalam negara dan luar negara,” ujarnya.

Berita Lain...




Cicada serangga 'nyaring', simpan rahsia ekosistem hutan

[Baca lagi »](#)



UPM Angkat Kearifan Melayu ke Pentas Dunia

[Baca lagi »](#)



AgriHub@Gedong perkukuh inovasi pertanian pintar di Sarawak

[Baca lagi »](#)



UPM anjur Program Profesionalisme dan Penghayatan Rukun Negara perkasa jati diri pelajar

[Baca lagi »](#)



UPM kaji peranan bahasa dalam membangun kepercayaan awam terhadap dasar keterjaminan...

[Baca lagi »](#)



Pertanian Bandar Hubungkan Komuniti, Teknologi dan



Kelestarian Alam

[Baca lagi »](#)

Arkib Berita

Terkini

Tahun

[2025](#)

[2024](#)

[2023](#)

[2022](#)

[2021](#)

[2020](#)

[2019](#)

[2018](#)

[2017](#)



Universiti Putra Malaysia

43400 UPM Serdang
Selangor Darul Ehsan
Malaysia

+603-9769 1000
pspk@upm.edu.my

Media

Berita

Artikel

Video

Keratan Akhbar

Dokumen

Hubungi Kami

Maklum Balas

Lain-Lain

UPM Holdings

Nombor Plat UPM


Give to UPM

Tender dan Kontrak

Kementerian Pendidikan Tinggi

UPM AI HUB

Sustainability@UPM



[Disclaimer](#) [Privacy and Security Policy](#) [Copyright](#) [Help](#)

© 2023 Universiti Putra Malaysia